



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 133. Episcopi Attrebensis alteratio cum quodam Galliæ Legato.

[urn:nbn:de:hbz:466:1-66272](#)

tam turbatura foret, ac si tamdiu fir-
ma pax sperari non posset, quamdiu A. C. 1415.
Sæcul. XV.
ejusmodi perversa principia impune per-
mitterentur. Non defuere, qui contra
hunc libellum calamos suos acuerent.
Inter ceteros alias quidam prodiit Ano-
nymus; hic contra omnes, qui hanc
damnationem urgerent, effrænem suam
evomuit rabiem, eosque seditiosos, filios
Belial, omnibus inferni furiis agitatos, &
rabiosis canibus haud absimiles crimina-
tus est. Re tamen ipsa hoc scriptum nil
continet, quod ab Atrebatenſi Episcopo non
jam fuisset propositum, nempe, hasce
propositiones esse probabiles, nec eas ad
fidem pertinere, antequam Ecclesia de-
super judicium tulisset, & Episcopum Pa-
risiensem absque omni jure eas proscri-
psisse.

§. CXXXIII.

Episcopi Atrebatenſis altercatio cum quodam Galliæ Legato.

Die duodecima Septembbris fervida di-
sputatio Atrebatenſem Episcopum ^{Gerson. ut supra p. 391.}
inter, & Petrum de Versallia, Galliæ
legatum oriebatur circa novem illas pro-
positiones. Ille eas omnino tolerandas
esse nec ad fidem pertinere pertinacius
tuebatur. Hic vero Episcopi sententiam
in publicas tabulas referri petiit. Tum
Atre-

Sæcul. XV. Atrebatenſis primum Articulum defen-
 A C 1415. dens, secundum limitavit dicendo, eas
explicite fidem non tangere, quamvis implicite, tacite ac indirecte. Die vigesima
 tertia Septembris advenerat Epistola re-
 gis Galliæ, in qua significabat pacem in-
 ter ſe & Burgundiæ Ducem initam, aſt
 hoc nuntio diſſidiorum flammæ nequa-
 quam extinctæ fuerunt.

§. CVXXIV.

Libellus Atrebatenſis Epifcopi pro Assertionibus Joannis Parvi.

Quinimo Epifcopus Atrebatenſis libel-
 lum porrexit Synodo, petiitque, ut
 trium Cardinalium, qui Parifiensis Epi-
 scopi damnationem irritam declarabant,
 ſententiam confirmaret. Præterea aliud
 scriptum vulgavit, in quo propositiones,
 ſeu *veritates* a Joanne Parvo in ſua Apolo-
 gia pro Burgundo dictas diſtinguit a no-
 vem illis propositionibus, quas Geronius
 ex Apologia deceptas, & a Parifiensi
 Epifcopo proscriptas fuiffe perhibebat.
 In hoc libello ambas Assertiones ex inte-
 gro exhibuit, nempe Joannis Parvi veri-
 tates unacum ſuis probationibus, & Af-
 fitiones a Geronio extractas cum ea-
 rum damnatione. Dein examinandum
 affumit, utrum novem Geronii proposi-
 tiones concordent Joannis Parvi verita-
 tibus,